



CHANSON NEVEZ,
VAR SUJET AN EFERIEN.

TOstait d'amselaou, c'houi, mignonet Bachus,
Ha me a zisco d'êc'h an etat danjerus
A zo o re henti an hostaliriou
An deveziou pemdez, ar zul hac ar goueliou.

Divarnon va-unan e teuàn da juji
Peguen riscus e zeo dont da abandoni
Ar c'horf hac ar madou, alies ar vue,
Da zerc'hel hostisien en o frosperite.

An nep a ve goasqet, nemet diavis ve,
A dle gout en pezh heat e chom ar virione ;
Pa meus douguet ar bec'h ha poezet anezàn,
E tleàn gout ive pe boez a zo ennàn.

Bet a meus ur guentel hac a zisq bremâ din,
Pa deuàn d'e c'hompren ha d'e c'honsiderin :
Discoelet e deus din eo mat delc'hel rêson,
Evit nep abondanc caout moderation.

Ah ! petra laràn-me ? caout moderation.
A zo un dra boannius, pa zezir ar galon ;

47-48-19-195



Mes gouscoude ê goel combati ar panchant,
Eguet ne dê beva evel un insolant.

Sourcen an oll viçou partout a meus clâsquet
Hac ebars er boesson e meus-y rancontret;
Me a deu d'e guervel mam ar fallagriez,
A laca an dizurs e kêr ha var ar mêz.

Te a c'heus goneet calz eus a galonou,
Ha laqet chenchamant en nombr a diadou,
Ha d'an oll viçou all e telc'hes dôr digor,
Dra eno calz a dud o deus collet o enor.

Mes ar pez a so voas ebars en pep canton,
An nep a ve troet gant-dizurs ar boesson
A dacho da zistrêi ar re all evelte,
Evit mont assambles da offanci Doue.

Mont a rer a vanden, hep eston na true,
Da zistroja ar c'horf, da vlessa an ene;
Var digare laqat an tan var ar c'bernion
E teuer da c'houlen guin eus a bodadou.

Un darn demeus anê, e fin o boutailad;
A lavaro neuze : poent ê demp-ni quittât.
Nan, nan, eme darn all; pa zomp en hostaliri,
Ha p'ê tommet ar forn, e vo ret e c'hôri.

Neuze e vo clêvet ur garnach, ur brezel;
Mar be den rêsonabl, vo fôrçet da devel :
Ar vertus, ar bon sans a rent coll o droajou,

Eno neus da veuli nemert ar sottizou.

Entre m'ho po arc'hant e vezot servichet,
 Ha pa vec'h ous an dol dre o coublou semplet,
 Mar gallit discoel c'hoas arc'hant ur chopinat,
 C'houi a vo sicouret da sevel var ho troad.

Beza so hac a gred demeus an eferrien
 Eo oblijet an ên da blega d'o lezen;
 E tle an douar crena o clêvet o c'homzou,
 Ar môr en o lavar ober *tre* ha *lano*.

Mes chenchit a vuez hac a sonjesonou,
 Arblijadur ne m'ân qet ebars hent ar viçou;
 Mar c'heullit ar boesson, an deboch, an ebat,
 E santfot ordinal un dra ous ho piçat.

Ho conscianç a vo hac en deiz hac en nos
 O clasq e chenchamant hac o c'houlen repos;
 Roit dei he mennat ha chenchit hep appel,
 Hirroc'h vo ho puez, hoc'h ene a vo voell.

Arretit ur moment da sellet ouz ar bed,
 Hac e velfot yarni calz a dud ruinet;
 O re henti ar boesson ha compagneuz fall,
 Eus forçet, hep fusuil, un nombr da chasseal.

Pa vezot oc'h eva, e velfot filoutet
 Oc'h ober an dro dec'h, hac int oll o laret:
 Ho familh en antier a zo a galite,
 Tud a feçon int tout, c'houi zo den brao ive.

N'hon eus ezom da c'hout mat hon ano bade ,
 A rest a ouzomp tout deus eclat ho ligne ,
 A so d'fe oll meulet , caret e pcb contre ,
 Ha c'houi oc'h eus patant an ær demeus ane.

Mar bec'h en ho coase e safot en ho sa :
 Allon ta , hostizes , amàn guin ha bara ;
 Mes e fin ar regal ar re-màn ya n'o rout ,
 Hac ar scoden so grèt a goe en ho cont tout.

Ha c'houi no po evet nemet ur voutailad ,
 O pezo da bêa marteze dec podad ;
 Mes ma visac'h er guêr , c'houi a ve calz furoc'h ,
 Neuze ne bêfac'h qet obér goab ac'hanoc'h.

Eur veach ha mo po implijet ho madou ,
 Ho prassa mignonet qenta ho tilezo ;
 Mar gueont ho pete vo gant ur pas gorrec :
 Da goad ar baourente ne yêr qet o redec.

Mes ne c'hortozit qet ar bed oll da laret
 E vo ur vuez fall au hini a heuillet ;
 Camaradet ho po , hervez ho fantasi :
 Ne zeus qet a viçou n'o deus tud d'o meuli.

Ne gredit qet e ve ar bed oll drouc-contant
 O velet ac'hanoc'h o tispign hoc'h arc'hant :
 Pa vez unan o coll , eguile a c'hone ,
 Rac ral e'r maleuriou n'eus profit aneze

Oll yaouanqis va bro , ebars en honestis

En em darempredit goude fin an Ofiç,
 Ha lezit ar boesson da guemer e repos,
 Rac'eus a vil maleur e zeo én ar pen-cos.

Ha c'houi, tud ancien, demezet ha da zemezi,
 N'en ém antêtit qet gant an hostaliri ;
 Ne deuit qet da vaga ar viç-se en ho calon :
 Ar peoc'h ne chom qet pell etoues re a voesson.

Eur merq a union entre ar vignonet,
 Eo eva ur bannac'h hep beza direglet :
 Grit usach vad gantàn bars en compagnunez,
 Mes tachit da viret ar rêson vit mestres.

Pa zo deut guin er vro eo deut evit eva,
 Mes nê qet a urz vad n'em ruina gantâ ;
 Rac goude re a cher ec'h arru *Paourente*,
 Na ve qet e-uau, *Qerse* a deû ive.

Cetu amâ bremâ ar fin eus va c'hentel :
 Heuillit-bi avichou, ha lest tizan Bourdel ;
 Moderi a lerer a so mat vit nep fest,
 Consultit ar rêson, bi laro dêc'h ar rest.

Mes bremâ, va Chanson, p'ê guiroc'h finisset,
 Sinet eo ho pass-port : it elec'h mar qeret ;
 Ha mar bec'h attaqet neus fors bars e pez bro,
 Retornit var ho qiz, va merc'h m'oc'h anzavo.

E zàn d'oc'h instrui aroc ma partifet :
 Ne zonjit qet e vec'h gant an oll dud meulet,

Rac qen ral ê guelet c'hoant an oll ebars er vro,
Ha m'e guelet an urz vat en hostaliriou.

F I N.



ERUSTET PAUTR AR GUIN.

Var ton : *Ma Commère, quand je danse,*

TRI zraic ordinalamant

A glasqer da bossedi :

Eur vreguic coant, guin hac arc'hant,

M'em bez re ganto o zri.

Bo, bo tud gourmand,

bis.

Eo ar seurt-se, eo ar seurt-se ;

Bo, bo tud gourmand,

bis.

Quell eo guin eguet arc'hant.

Eur vreg e penn ho tiegues

A, rai deoc'h meur a chagrin ;

Fœci var ur seurt marc'hadourez ;

Quell eo calz ur banne guin,

Bo, bo tud dallet

bis.

5
Eo ar seurt-se, eo ar seurt-se ;
Bo, bo, tud dallet,
Guell eo guin eguet merc'het.

bis.

Ne c'houzanyàn qet a arc'hant
Da louëda bars em godel ;
An hostizien comunamant
Anezàn tout a zo vell,
Bo, bo, tudou chin,
Grit eveldòn, grit eveldòn ;
Bo, bo, tudou chin,
Guell eo calz ur banne guin.

bis.

bis.

C'houi gant merc'het, c'houi gant arc'hant,
A zonch beza dizoursi ;
Me, gant guin, a zo pautr contant,
Hac en ev betec al li.
Bo, bo, tudou chin,
Grit eveldòn, grit eveldòn ;
Bo, bo, tudou chin,
Ne zeus par d'ur banne guin.

bis.

bis.

Evit va renta-me laouen,
Digassit din boutailad ;
Ne mon qet e chal gant moyen,
Nemet em bezo guin mad.
Bo, bo, tudou chin,
Grit eveldòn, grit eveldòn ;

bis.

Bo , bo , tudou chin ,
 Ne zeus par d'eur bânne guin.

bis.

Va oll chagrinou a veuzàn ,
 P'am bez guin diouc'h va zec'het ;
 Gant netra nec'het ne vezàn ,
 Eur vech ma vez din tommet.

Bo , bo , tudou chin ,
 Grit eveldòn , grit eveldòn ;

bis.

Bo , bo , tudou chin ,
 Ne zeus par d'ur bânne guin.

bis.

FIN.



E Montroulez , e ti LÉDAN , e traon ru ar Vur.